

կին Գատաւորի , որպէս ասացին Հայք , բերցեն աստ զայնոսիկ , զի ընթերցեալ մուծցի յարձանագրութիւնն :

Մատուցին Հայք զհրամանագիրն Փոխարքային , գրեալ 'ի ՎՕ Շասական ամսոյ ՎԴԾԿ , և զՀէօճէլն տուեալ երկուց ազգաց 'ի ժամանակս Նուրի Էֆէնտեայ , հիմնեալ 'ի վերայ հրովարտակի բաժանորդութեան : Միւֆթի Էֆէնտին ասէ՝ 'ի բաժանորդութեան Հէօճէթին Նուրի Էֆէնտեայ չիք ինչ պայման թուոյ և քանակութեան պատկերաց և կանթեղաց երկուց կողմանց , թէպէտ Բեթղեհէմի և և Աստուածածնի բաժանորդութիւնն մի միայն լոկ բառէ բաղկացեալ է , այլ Հայք ասացին թէ բաժանորդութիւնն Բեթղեհէմի նման է բաժանորդութեան Ս . Աստուածածնի , և պահանջեն զի եղիցի եկեղեցին Բեթղեհէմի , որպէս լեալ է Աստուածածնին : Եւ որպէս լեալ իցէ բաժանորդութիւնն Աստուածածնի 'ի ՎՂ թուականէ մինչեւ ԾՂ թուականն , յաւելեալ իցէ անդ իր ինչ , թէ ըստ Բեթղեհէմի միակերպ ընթացեալ են , հարկ է բացատրել :

Փոխանորդն Հայոց ասէ , 'ի նախընթաց ժամանակս չէ լեալ անդ նոր ինչ յերկուց կողմանց , որ ինչ էր 'ի ժամանակս Նուրի Էֆէնտեայ , նոյն է և այժմ , և եթէ լեալ է , և այն առանց խռովութեան և հաճութեամբ երկուց կողմանց :

Փոխանորդն Յունաց , այնպէս է որպէս ասացին Հայք , եթէ լինէր նոր ինչ 'ի միոյ կողմանէ , 'ի հարկէ չլուեալ միւսոյ կողման , բողոքէր և դատն հասանէր 'ի դատարաննայեցարուք յարձանագիրս , և հարցէք ցերեւելիս քաղաքին , եթէ գիտեն ինչ՝ պատմեսցեն : Երբեմն դնին մոմ շուրջանակի կանթեղաց և բառնին , եւ այս չէ ինչ նորասահման և խափանիչ օրինաց բաժանորդութեան և առիթ վիճման : Փոխանորդն Հայոց , ոչ եղեւ վէճ , և եթէ աւելի իր ինչ լեալ իցէ՝ առանց խռովութեան եւ հաճութեամբ երկուց կողմանց եղեալ է :

Միւֆթի Էֆէնտի , վկայեմ առ այս թէ ոչ եղեւ վէճ և նորասահման ինչ յԱստուածածին , որպէս ասացին Հայք և Յոյնք : Ալի Միւհսին Էֆէնտի հաստատեաց զբանս նորին :

Հաֆըզ Բաշիտ Էֆէնտին ընթերցաւ հրամանագիր Փոխարքային և Հէօճէլն բաժանորդութեան , և մուծաւ յար-